

Powšitkowne WOZJEWJENJA

njedźelu, 13. septembra 2015

Dalše předstajenja pasionsekeje hry na farskej zahrodze w Chróscicach

Towarstwo Cyrila a Metoda z.t. a Chróšćanska wosada přeprašujetej wšitkich wutrobnje na dalše předstajenja pasionskeje hry pod hesłom „Wy sće swětło swěta“ tutu njedźelu, 13. septembra, w 16 hodź.; pjatk, 18. septembra, w 19.30 hodź.; sobotu, 19. septembra, w 19.30 hodź. a njedźelu, 20. septembra, w 19.30 hodź. Hrać budže so pod hołym njebjom na farskej zahrodze w Chróscicach. Simultany přeložk do němčiny so na wšitkich dnjach poskičuje.

Zapokazanje noweho Chróšćanskeho fararja

Farar Měrcin Deleńk přewza wutoru, 1. septembra, Chróšćansku a zdobom jako farski administrator Wotrowsku wosadu. Swjatočne zapokazanje fararja Deleńka budže pónđzelu, 14. septembra, w 17 hodź. na Božej mši w Chróšćanskej cyrkwi. Wšitcy su wutrobnje přeprašeni.

Duchowna hudźba w Budyskej serbskej cyrkwi

Na kermuši cyrkwyje Našeje lubeje Knjenje w Budyšinje njedźelu, 13. septembra, zaklinči we 18.00 hodź. koncert w rjedze duchowna hudźba. Jón wuhotuja huslerka Magdalena Römhild, saksofonist Thomas Siegmund a šola Katolskeho tachantskeho chóra. Nimo toho zahraje cyrkwiniski hudźbny direktor Friedemann Böhme na piščelach. Wón ma zdobom cyłkowny nawod. Zastup je darmotny, při cyrkwinych durjach pak přewjedže so zběrka. Wšitcy su wutrobnje na duchownu hudźbu do Budyšina přeprašeni.

Nyšpor z křižnej relikwiju w Klóštrje

Składnostnje Lěta Bohu poswjećeneho žiwjenja wotměje so wutoru, 15. septembra, we 18.30 hodź. w klóšterskej cyrkwi w Pančicach-Kukowje nyšpor z křižnej relikwiju klóštra Marijineje Hwězdy. Cistercienski wutrobnje na tule Božu službu přeprašuja, na kotrejž chcedža so wo duchowne powołanja modlić a za nje so dżakować.

Patronatna Boža mša w Chróscicach

Wobydlerjo a přistajeni Domu swjateje Ludmile w Chróscicach woswjeća štwórtk, 17. septembra, swój lětuši patronatny swjedzeń. Swjatočna Boža mša budže w 10.00 hodź. we wosadneje cyrkwi. Přeprašamy wšitkich wěriwych wutrobnje na tute kemše. *W. Brězan*

Film wo prawizniku Jurju Rjenču

Wo serbskim prawizniku Jurju Rjenču jedna film telewizije MDR „Stalin, Tito und mein Vater“ srjedu, 23. septembra, w 21.15 hodź. Dokumentarny film wusyla so w rjedze „Spur der Ahnen“ a zaběra so ze žiwjenskim wosudom Jurja Rjenča z Budyšina. Po jeho smjerći nańdžešteje jeho dźowce Ludmiła Bizoldowa a Hańža Winterowa w knižnym kamorje wšelake zajimawe podložki, kotrež na to pokazuja, zo je so Jurij Rjenč po Druhej swětowej wójnje prócował, swojski serbski stat založić.

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprošuje tež lětsa na wosebity nyšpor domchowanki z požohnowanjom konjacych zapřahow. Tutón budže njedźelu, 27. septembra, w 14 hodź. w Chrósćicach na luce při Hatkach.

Projektowy dzeń k skrućenju dźěci

Wšitke dźěci wot předšulskeje staroby hač do 6. lětnika su sobotu, 3. oktobra, na projektowy dzeń pod hesłom „Starkmachttag“ do Chrósćic přeprošene. Dzeń zarjadowuje dekanatne dušepastyrstwo we Worklecach zhromadnje z dušepastyrstwom dźěci Drježdžansko-Mišnjanskeho biskopstwa. Nadrobnošće zhonja zajimcy z plakata a z wupołożenych flyerow w cyrkwjach kaž tež pod www.posol.de. Přizjewjenja přijimuju so hač do štwórtka, 24. septembra, pisomnje w dekanatnym dušepastyrstwje we Worklecach, Młynski puč 4.

Kubłanski dzeń za 7. a 8. lětnik

Pod hesłom „Derje je, zo mam přećela – wo lubosći a tajkich wěcach“ přeprošuje dekanatne dušepastyrstwo šulerki a šulerjow 7. a 8. lětnika sobotu, 10. oktobra, wot 9 do 16 hodź. do Don Boskoweho domu we Worklecach. Referentaj budžetaj na tutym polu wukubłanaj mandželskaj Hasbrücker z Drježdžan. Dalše informacije dóstanu zajimcy w interneće pod www.teen-star.de. Přizjewjenja přijimuju so hač do wutory, 6. oktobra, pod telefonowym čisłom (03 57 96) 8 87 07. Přinošk wučinja na wobdźělnika štyri eura.

Wjacednjowska jězba za dźěci 5. a 6. lětnika

Na pućowanje po slědach swjateho Bena a na wotkrywanje dalších zajimawostkow kónčiny wokoło Mišna přeprošuje dekanatne dušepastyrstwo dźěci 5. a 6. lětnika wot pónđzele do štwórtka, 12. do 15. oktobra. Za jězbu zběra so wot kóždeho wobdźělnika přinošk we wysokosći 65 eurow. Zajimcy njech so prošu hač do štwórtka, 1. oktobra, pod telefonowym čisłom (03 57 96) 8 87 07 we Worklecach přizjewja.

Eksercicije w Drježdžanskim Domje Wysoke duby

Dny rozpominanja a modlenja wotměja so wot pjatka, 30. oktobra, we 18 hodź. hač do njedźele, 1. nowembra, w 10 hodź. w eksercicijnym Domje Wysoke duby w Drježdžanach. Jezuitski pater Willi Lambert je k temje „Z wutroby žiwy być – Haj k Lětu smilnosće“ přewjedže. Wón budže w němskej rěči přednošować, modlitwy a kěrlušy budu serbske. Dny rozpominanja maja wěriwym pomhać, z duchownymi impulsami, wosobinskim modlenjom, rozmołwu a Božej mšu žro Jězusoweho ewangelija spóznać. Přizjewić měli so zajimcy w Chrósćicach na farje, telefonowe čisło (03 57 96) 8 04 00, w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10. abo z mailku na info@haus-hoheneichen.de.

Pytaja młodžinskeho referenta

Za dekanatne dušepastyrstwo młodžiny we Worklecach ma so tak spěšnje kaž móžno referent respektiwnje referentka ze socialnopedagogiskej abo teologiskej kwalifikaciju přistajić. Wuměnjenja su dobre znajomosće w młodžinskim abo kubłanskim dźěle, wobknježenje serbskeje rěče, zwólniwosć, tež wječor abo kónc tydženja dźělać a přezjednosć z nadawkom, službu a žiwjenjom katolskeje cyrkwy.

Džělowe městno je w Don Boskowym domje we Worklecach. Zrěčenje je na dvě lěće wobmjezowane. Pisomne požadanja přijimuje hač do štwórtka, 1. oktobra, biskopski ordinariat, personalny wotrjad, Käthe-Kollwitz-Ufer 84, 01309 Drježdžany abo z mailku na bewerbung@ordinariat-dresden.de. Štóž ma prašenja, njech zazwoni na młodžinskeho dušepastyrja biskopstwa, fararja Ralpa Kochinku, telefonowe čisło (03 51) 3 36 47 16.

Putniska jězba do Mariazella

Za putnisku jězbu wot pónđzele do soboty, 12. do 17. oktobra, do Mariazella w Awstriskej móžeja so hišće zajimcy přizjewić. Přenocowanje je stajnje w Mariazellu. Jězba powjedže tež k benediktinskimaj klóštromaj Melk a Admont. Zapřijata je tohorunja parnikowa jězba po luboznej krajinje Wachau. Přizjewić móžeće so pola Šmitec w Radworju, telefonowe čisło (03 59 35) 28 60.

T. Kubašec